

《勝鬘師子吼一乘大方便方廣經》卷 1：「若菩薩不決定大乘者，則不能得攝受正法欲，隨所樂入，永不堪任越凡夫地。我見如是無量大過，又見未來攝受正法菩薩摩訶薩無量福利，故受此大受。」¹ / 《勝鬘經》卷 1：「聖諦者，說甚深義，微細難知，非思量境界。是智者所知，一切世間所不能信。何以故？此說甚深如來之藏。如來藏者，是如來境界，非一切聲聞、緣覺所知。如來藏處，說聖諦義。如來藏處甚深故，說聖諦亦甚深，微細難知，非思量境界，是智者所知，一切世間所不能信。」²

《勝鬘經》卷 1：「若於無量煩惱藏所纏如來藏不疑惑者，於出無量煩惱藏法身亦無疑惑。於說如來藏、如來法身、不思議佛境界及方便說，心得決定者，此則信解說二聖諦。如是難知難解者，謂說二聖諦義。」³

《勝鬘經》卷 1：「世尊！如來藏智是如來空智。世尊！如來藏者，一切阿羅漢、辟支佛、大力菩薩，本所不見，本所不得。/世尊！有二種如來藏空智。世尊！空如來藏，若離、若脫、若異一切煩惱藏。世尊！不空如來藏，過於恒沙不離、不脫、不異、不思議佛法。世尊！此二空智，諸大聲聞能信如來。一切阿羅漢、辟支佛空智，於四不顛倒境界轉。是故一切阿羅漢、辟支佛，本所不見、本所不得。一切苦滅，唯佛得證，壞一切煩惱藏，修一切滅苦道。」⁴

《勝鬘經》卷 1：「如來藏者離有為相，如來藏常住不變。是故如來藏，是依、是持、是建立。世尊！不離、不斷、不脫、不異、不思議佛法。世尊！斷脫異外有為法依持、建立者，是如來藏。」⁵

《勝鬘經》卷 1：「世尊！如來藏者，是法界藏、法身藏、出世間上上藏、自性清淨藏。此性清淨如來藏，而客塵煩惱、上煩惱所染，不思議如來境界。何以故？剎那善心非煩惱所染；剎那不善心亦非煩惱所染。煩惱不觸心，心不觸煩惱，云何不觸法，而能得染心？世尊！然有煩惱，有煩惱染心，自性清淨心而有染者，難可了知。唯佛世尊！實眼實智，為法根本、為通達法、為正法依，如實知見。」/勝鬘夫人說是難解之法問於佛時，佛即隨喜：「如是如是！自性清淨心而有染污，難可了知。有二法難可了知，謂自性清淨心難可了知，彼心為煩惱所染亦難了知。如此二法，汝及成就大法菩薩摩訶薩乃能聽受，諸餘聲聞，唯信佛語。」⁶

《勝鬘經》卷 1：「於我滅後未來世中，我弟子隨信增上，依於明信隨順法智，自性清淨心彼為煩惱染污而得究竟，是究竟者入大乘道因。信如來者，有是大利益，不謗深義。」⁷

求那跋陀羅《大法鼓經》卷 1：「此經典者，是諸如來祕密法藏，甚深微妙，難解難信。」

¹ (CBETA, T12, no. 353, p. 217, c18-22)

² (CBETA, T12, no. 353, p. 221, b9-15)

³ (CBETA, T12, no. 353, p. 221, b17-21)

⁴ (CBETA, T12, no. 353, p. 221, c13-23)

⁵ (CBETA, T12, no. 353, p. 222, b11-14)

⁶ (CBETA, T12, no. 353, p. 222, b22-c7)

⁷ (CBETA, T12, no. 353, p. 222, c13-17)

⁸《大法鼓經》卷 1：「此大法鼓經名，是二乘之人不信法門。是故，阿難！譬如彼王至鬪戰時擊王大鼓；此大法鼓——諸佛祕密——佛出世時，爾乃演說。」⁹ / 《大法鼓經》卷 1：「隱覆說者，謂言如來畢竟涅槃，而實如來常住不滅，」¹⁰ / 《大法鼓經》卷 1：「謂彼菩薩摩訶薩信解法身常住不變者，爾乃安住受持一切如來藏經，亦能解說安慰世間解知一切隱覆之說。善觀一切了義不了義經，悉能降伏毀禁眾生，尊敬承順清淨有德，於摩訶衍得大淨信，不於二乘起奇特想。除如是等方廣大經，不說餘經，唯說如來常住及有如來藏，而不捨空，亦非身見空，空彼一切有為自性。」¹¹ / 《大法鼓經》卷 1：「如來涅槃而復常住，一切無我而復說我。…迦葉白佛：「唯願世尊說大法鼓經、擊大法鼓、吹大法，[螺] 蝻。」¹² / 《大法鼓經》卷 1：「若無有者，謂般涅槃第一之樂，是故離苦樂得般涅槃第一之樂。若苦、若樂，彼則是有。若無有者，則無苦樂。是故欲得般涅槃者，當求斷有。」¹³ / 《大法鼓經》卷 1：「若見義者，則不須因緣；若不見義，則須因緣。」¹⁴ / 《大法鼓經》卷 1：「諸佛世尊般涅槃者，悉皆常住。以是義故，諸佛世尊般涅槃者，[終] 然不磨滅。」¹⁵

《大法鼓經》卷 2：「大方便菩薩廣為眾生說甚深法寶故，得此甚深離非法經——謂空無相無作相應經——復得如是如來常住及有如來藏經。」¹⁶ / 《大法鼓經》卷 2：「若彼能於如是深經乃至不起一念謗想，當得如來藏如來常住，常見諸佛親近供養。」¹⁷ / 《大法鼓經》卷 2：「聞此如來藏如來常住究竟深經，心生疑惑。於安慰說者生恚害心，輕賤嗤笑，不生愛念，罵辱不忍，作如是說：『此將文筆，魔之所說。』謂為毀法，悉棄捨去各還本處，更相破壞犯戒邪見，終不能得如是[此]比經。…爾時，世間多有眾生見聞摩訶衍經而生誹謗。莫生恐畏。所以者何？五濁世時，正法損減，多有眾生謗摩訶衍。」¹⁸ / 《大法鼓經》卷 2：「迦葉白佛言：「世尊！諸摩訶衍經多說空義。」

佛告迦葉：「一切空經是有餘說，唯有此經是無上說，非有餘說。…捨如來藏常住妙典，好樂修學種種空經，…彼如是言：『一切佛經皆說無我。』而彼不知空無我義，彼無慧人趣向滅盡。然空無我說亦是佛語。所以者何？無量塵垢諸煩惱藏常空涅槃，如是涅槃是一切句；彼常住安樂是佛所得大般涅槃句。」¹⁹

《大法鼓經》卷 2：「如來是天中之天，若般涅槃悉磨滅者，世間應滅；若不滅者，則常住安樂。常住安樂，則必有我。」²⁰

⁸ (CBETA, T09, no. 270, p. 291, a13-14)

⁹ (CBETA, T09, no. 270, p. 291, a19-21)

¹⁰ (CBETA, T09, no. 270, p. 291, a29-b1)

¹¹ (CBETA, T09, no. 270, p. 291, b16-24)

¹² (CBETA, T09, no. 270, p. 291, c11-15)

¹³ (CBETA, T09, no. 270, p. 292, b24-27)

¹⁴ (CBETA, T09, no. 270, p. 292, c23-24)

¹⁵ (CBETA, T09, no. 270, p. 294, c18-20)

¹⁶ (CBETA, T09, no. 270, p. 295, a8-10)

¹⁷ (CBETA, T09, no. 270, p. 295, a17-19)

¹⁸ (CBETA, T09, no. 270, p. 295, b8-16)

¹⁹ (CBETA, T09, no. 270, p. 296, b8-21)

²⁰ (CBETA, T09, no. 270, p. 296, c23-25)